

東華續錄
東華錄

一六

王先謙《清史劄記》撰

東華錄
東華續錄

一六

王先謙〔清〕朱壽朋
撰

上海古籍出版社

東華續錄

二

〔清〕朱壽朋撰

據復旦大學圖書館藏清宣統元年上海集成圖書公司鉛印本影印原書
版框高一五二毫米寬二二〇毫米

臣朱壽朋編
臣張毓英校

六月已已戶部奏雲南運餉各員期滿請旨更換一摺雲南辦解六起一批京銅現據咨報起程此後續辦餉斤次第運解所派沿途各員期滿該部查照例案將經過之四川湖北江蘇直隸等省藩臬開列名單請旨更換四川著派易佩紳湖北著派黃彭年江蘇著派譚鈞培直隸著派松楸即成各該員嚴飭各道府及沿途地方文武員弁認真稽查催運送前進如有無故逗留及盜賣短少等弊詳報該督撫嚴行參辦沿途應需水師照料之處即由派員之員詳咨商途督撫及水師提督調遣仍著自奉旨之日起以三年為限均責成此次所派之員一體經理遇有升調事故即令接任之員遵辦期滿後再行更換○辛未諭楊岳斌劉銘傳孫開華臺北解嚴請將歷年戰守尤為出力將弁官紳及籌運出力人員獎勵各摺片劉銘傳駐守臺北未能相機決策攻復基隆本屬無功足錄而各營將弁官紳固守要隘歷時甚久迭次接仗亦能竭力抵禦自不能因督師之不力而沒其間効命之勞惟所請獎敘未免過優應量行核減酌予恩施提督蘇得勝著交部從優議敘即中林胡陳著以道員不論雙單月過缺儘先補選

東華續錄

光緒七十一

用總兵劉朝祐著以提督記名簡放道員陳鳴志著以道員歸江蘇候補班過缺題奏提督蕭士成著以總兵交軍機處記名遇有海疆總兵缺出請旨簡放柳太和著遇有陝甘總兵缺出請旨簡放副將劉大雲著交部從優議敘提督劉見榮著以提督交軍機處記名請旨簡放總兵易玉林著以提督交軍機處記名請旨簡放總兵唐安仁廖得勝桂吉彪均著賞給一品封典副將該營詳著以總兵記名簡放游擊蕭清應著免補游擊以參將儘先補用參將洪勝著免補參將以副將儘先補用都司陳輝煌著免補都司以游擊儘先補用知府方策勳著免補本班以道員改留閩省補用知縣鄭建中著免補本班以直隸州知州仍留閩省候補知州中林汝梅著以道員不論雙單月過缺儘先選用知府陳霖林著免補本班以道員仍留原省候補知州內閣中書潘成清著以同知不論雙單月過缺儘先選用廩生李秉鈞著以縣丞不論雙單月過缺儘先選用同知劉勳著免補本班以知府仍留閩省候補班補用縣丞薛木鑑著應儘均著俟補缺後以知縣仍留原省補用縣丞戴運真著俟選缺後以知縣候補班補用縣丞布政使沈保站前長蘆總運使額勒勒額道員奎俊均著交部從優議敘道員廷廷芳著仍以道員不論雙單月選用盛宣懷孫毓文瀾均著交部從優議敘朱福榮胡喬榮均著仍以道員候補班補用邵友濂著賞給一品封典總辦張寶善戴花翎已革副將武清能著賞給參將已革

道員徐慶著以知府留閩補用已革花翎四品官兼佐領金福元著銷除永不敘用字樣王詩正沈應奎均係已革副道大員左宗棠並未先行奏明飭令赴營本不應給予獎敘姑念該員等業經渡臺不無微勞呈錄王詩正著賞給五品頂戴沈應奎著賞給四品頂戴至軍用之提督曹志忠等四員及片奏之提督彭楚漢總兵吳鴻源據稱該員等奮勇出力請分別獎勵等語曹志忠楊金龍申道發費興陞彭楚漢均著交部從優議敘吳鴻源著賞給頭品頂戴陣亡之總兵曾照禮副將劉義高子總段有升把總尤運忠副文等均著交部照陣亡例從優議卹該部知道○會同奏奏於光緒十一年五月初四日山驛附奏粵浙江等省應通力合作一片聲明後據銀礦為最要軍械一經海口封禁購辦無從應即先事購備添購機器租仿造庶免缺乏之虞業飭上海金陵兩機器局遵照奏辦在案旋奉五月初九日上諭現在和局雖定海防不可稍弛亟宜切實籌辦後為久遠可恃之計船廠應如何增拓廠堂應如何妥設鎗械應如何精造均須破格實力講求江蘇本有機器局現應如何變通措置著妥議奏辦等因跪誦之下始知一得之愚實已 廟算之先周莫名欽佩當即分別轉行欽遵應俟詳到日再行奏明辦理內機器局一節查蘇省之局有二一設上海一設金陵但就金陵一局情形言之經費本較滬局為省自光緒五年歸併五龍山分局以後益苦難於敷衍而越年以來承辦南洋各防軍火統

東華續錄

光緒七十一

造分解既副所需亦適於用是以各省開風時有託製之件去年法事方急處處戒嚴益苦應接不暇計自六月起該局撥應各省者以百餘萬計廣東有十二磅來福銅礮十尊之案雲南有後膛礮四尊之案浙江有過山礮二十尊之案臺灣有兩磅後膛礮六尊十管格林礮十尊四門神機礮四尊之案湖北有二十四磅洋生鐵開花礮五尊之案會辦北洋事宜吳大澂有兩磅後膛礮六尊之案江西有劈山礮十尊前將撥礮一百尊之案以言子彈程文炳有雷子自來火等件之案劉銘傳有炸彈實心彈等件之案且以上所有礮位尚須配齊子彈架具必充必備以資取用而南北洋之所需者不計為萬各省囑製之時莫不織廢交馳如星火而工程非其重大則極瑣碎一器之廢礙固難數手而後成每件之表裏精粗或經累月而始竟畢等以各省所需義應不分畛域但該局力所能及者無不立為製應亦幸該局總辦道員龔照堃郭道直及提調等皆力顧大局奮勉從公以故數月以來尚能相其緩急分別應付第當併力工之際匠丁等非尋常食晨興晝夜作而尚有此失彼之憾者推原其故由廠屋尚窄機器無多未能擴充所致所以未能擴充者則預定之經費限之查該局常年經費自光緒五年起分局併總局以後南北洋每年各撥銀五萬兩九年分南洋加撥銀一萬兩現在每年領南北兩洋經費銀十一萬兩而兩洋之軍火資於是各省之軍火亦資於是所據約所施者固無怪該

局之左支右絀竭蹶日甚現在 諭旨飭令變通機器局務並許其破除常格誠以鎗礮為行軍利器臨事制勝之用必由平日儲備而來 聖意至為深遠等語竊以為若無可慮之基而草創之則費鉅而成難若就已然之勢而推廣之則事半而功倍今該局成效如彼需費如此等如尚存因陋就簡之見何以仰慰 宸懷查該局所製如兩磅後膛來福長銅徑鋼十管四管連珠各種礮位前後膛各種礮均屬西法新式利器與外洋精緻相埒用之行仗最為相宜工料價值較之購自外洋者又實減二三成不啻前此海道梗阻各省所購軍火或寄香港東洋及新加坡各處雖定價已付而取用為難雖有効命之勁旅豈能徒手當敵設若一自造取攜由我何有嗚絕之虞以言利則如彼以言害則又如此等悉心酌度竊以為欲收製造之利首在添造廠屋購機器其常年經費即須寬籌然後綱舉目張乃有左右逢源之妙現與該局員等再四熟商擇其製造鎗礮子彈必不可少之機器已分別定購五十餘副合之拓增廠屋經費二共約需銀十萬兩其每年工料經費約須添銀至多以五萬兩為率此款擬先在洋藥加增稅釐項下動撥其不敷者再由 聖等於原撥撥撥各關局庫分別添撥此後多一內地製造之費即少一外洋購買之費竊維已足相抵而該局放手製造用意講求技日益精器日益多無事以為操練之用有事以為禦侮之用似於防務利源兩者均屬有裨下戶部知之○甲戌出使英法大臣曾紀澤

東華續錄

光緒七十一

三

一、加教與英外部大臣會談續增煙膏條十款成其文曰 大清國家大英國國家因查一千八百七十六年九月十三日在煙膏所定條約第三節第一二兩節所擬通商各口免輸洋貨釐金地界及劃定洋人居在地方各辦法均須再行商酌又查煙膏條約第三節所載之詞於認真整頓洋藥貿易之法尚欠詳細且深願聲明於行銷洋藥之事須有限制約束之意是以定此續增專條 第一款 一煙膏條約第三節第一二兩節所擬辦法現在議定應由兩國國家日後再行商酌 第二款 一煙膏條約第三節第三節所擬洋藥辦法今議定改為洋藥運入中國者應由海關驗明封存海關准設有保結之棧房或封存有保結之船內必俟按照每百斤箱向海關納正稅三兩并納釐金不過八十兩之後方許搬出 第三款 三現在釐定凡照上節所載正稅釐金兩項完納之後該貨主即可在具有保結之封存處所限向海關將洋藥拆改包裝其貨包各種式樣尺寸應由海關官員會同該口領事官預先酌定聽貨主擇用如貨主於此時請領運貨憑單海關即當照給不取分文其所請憑單或每包一張或數包一張悉聽貨主之便凡有此等運貨憑單之洋藥運往內地之際如貨包未經拆開露包上之海關印記號碼數均未擦損私改即無須再完稅捐等項此等運貨憑單只准華民持用而洋人不利於此項洋藥者不許持用憑單運寄洋藥不許押送洋藥回內地 第四

款 四現在議定給發憑單章程各口一律其憑單式樣開列於後 載運洋藥憑單 為給發憑單事照得單內所開蓋用記號碼號之洋藥遵照每百斤箱應納正稅釐金章程業經納銀共 兩按照憑單背面附刊 上諭批准一千八百八十五年七月十八日在倫敦所定一千八百七十六年九月十三日煙膏條約之續增專條凡照此憑單載運之洋藥無論在於何處祇查貨包未開海關印記號碼均未擦損私改即一切稅捐等項均免輸納 記號 碼號 第 何處進口 發單日期 海關稅務司簽名 第五款 五中國國家應許此等貨包在行銷洋藥地方開拆者如有應納稅捐等項或當時所徵或日後所設或由開收或由暗取均不得較主煙所納稅捐等項格外加增亦不得別立稅課如此等稅捐係照貨價計課即應將洋藥與主煙價值和數均算其數之法應於洋藥之市價內扣除進口時所納釐金 第六款 六現在議定此次所定續增專條應與一千八百七十六年九月十三日所定煙膏條約視同一律其貨力鄭重之處亦與逐字載入煙膏條約無異此專條應於查押以後六箇月開辦施行此指兩國批准文據已在期內互換而言倘期內未能互換即自互換之日開辦施行 第七款 七專條所載洋藥章程議定照行四年以後兩國如有欲廢棄章程者無論何時皆可先期十二箇月聲明一經通知屆期即為廢紙惟議定倘查所

東華續錄

光緒七十一

四

發運貨憑單於海口運送洋藥前往內地行銷處所之時仍不免其輸納一切稅捐等項則無論何時英國即有廢棄專條之權倘續增專條既經廢棄則洋藥辦法仍應照現在所行之天津條約所附章程辦理 第八款 八續增專條既經開辦如查其中有應行變通更改之處兩國國家即可會同商議酌改 第九款 九煙膏條約第三節第七節所載派員查禁香港至中國偷漏之事應即作速派員 第十款 十此次專條所改之煙膏條約暨此次議定續增專條一併由兩國朝廷批准文據應在倫敦作速交換定約大臣會奉本國家之命議定續增專條查押蓋印此專條係在倫敦繕立漢文兩分英文兩分共為四分○曾紀澤奏於光緒九年三月初十日承准總理各國事務衙門咨開奏請 特派出使大臣與英外部商辦洋藥事宜一摺奉 旨另有旨欽此恭錄 諭旨鈔錄原奏咨行欽遵同日承准軍機大臣字寄光緒九年正月十一日奉 上諭總理各國事務衙門奏請飭出使大臣商辦洋藥稅釐事宜一摺洋藥稅釐併徵載在煙膏條約延擱數年迄未開辦迭經該衙門與英使威妥瑪商議總以咨報本國為詞藉作延宕地步該使現已回國著特派曾紀澤辦理洋藥稅釐併徵事務該大臣洞達事體尚能力持大局將此事查照該衙門節次電覆與英外部妥為商辦期在必成如李鴻章前議一百二十兩之數併在進口時輸納即可就此定議仍著該大臣酌度情形力與辯論其應如何酌定防弊章程設

以軍需支絀未敢請款設立電綫遇有緊急事件皆由京站兩週至放西南甯府左江道電局轉電粵東復由粵東轉電京師查由雲南蒙自縣至廣西南甯路程三十二站山徑崎嶇馬不能馳由健夫傳遞至連亦須十日途過風雨阻滯往往十三日始達山南甯轉電粵東計一日由粵東轉電京師計一日從連計算來往共須二十四日遲則必須一月之期現在軍務稍緩軍餉逐漸可省籌款較易且目下開辦通商中外交涉緊要事件甚多似應由廣西南甯接設電綫直至雲南或在湖南接設至貴州以達雲南可否請 旨敕部籌款辦理以期速文報而應事機之處伏候 聖裁 上諭岑毓英奏雲南文報山蒙自至廣西南甯電綫通商節設電綫等語前省程站遙遠文報稽遲後邊防商務均關緊要自應妥設電綫以期迅速著照該督所請由廣西南甯接設電綫直達雲南其應如何擇地安綫之處並著李鴻章會同岑毓英李秉衡派員前往察看妥為籌畫奏明辦理○唐景鈞奏光緒十年八月初五日內閣奉 上諭所有各省積年民欠正耗著督撫將光緒五年以前實欠在民者詳細查明所屬州縣銀數若干開單具奏候朕降旨全行豁免等因欽此仰見 聖恩寬大痛惠閭閻之至意 恭摺 諭旨所謂實欠在民則已在官者不准提為民欠可知矣查同治年間奉 旨豁免民欠以後十餘年來各省閭閻水旱偏災或荒田未盡開墾或流亡未盡復業積欠在民誠所難免至若丁漕並徵省分民力不堪所欠尤多若長此短徵鉅款誠屬有損庫儲然某係係實欠在民則此次查辦豁免免致藉端魚目混珠 聖朝浩蕩之恩乃近年以來貪猾不肖州縣往往徵多報少任意侵挪追迫新舊交代之時輒將侵挪之數列款濫抵並將徵存未解混入民欠項下希圖豁免屢次有限之脂膏復貪更無窮之窟窿入糧之名歸於民免糧之實歸於官積習相沿各省一轍近見邱鈔浙江撫劉秉璋奏查辦豁免民欠錢糧先追還款一摺洞悉此弊於欽奉 恩旨後奏委委員赴各州縣勒提未改換之交代冊到省發局查數不准將徵存未解之錢糧混稱民欠辦事甚屬認真誠恐前項弊端各省皆所不免擬請 飭下各督撫仿照浙省清釐民欠章程委員勒提各州縣歷任交代冊籍及歷年徵收錢糧三連串底到省詳核倘有隱匿已完錢糧混入民欠侵挪濫抵者一經查出不准豁免仍勒限提解部庫外並治以應得之罪庶庫儲少一漏卮而貪吏知所儆畏小民即受惠無窮矣 上諭御史熊景釗奏豁免民欠錢糧請飭仿照浙省章程核實辦理一摺上年八月降旨豁免民欠錢糧原所以加惠閭閻期於窮黎有裨豈可任令不肖州縣將收存未解銀兩混入民欠項下以編氓之脂膏飽貪吏之窟窿殊非朝廷體恤民生實事求是之至意本年浙江巡撫劉秉璋查辦民欠錢糧於奉旨後勒提交代冊籍錢糧年底發局查核辦理尚屬認真著各省督撫查照浙省清釐民欠章程切實經理總期實惠及民不准絲毫隱混倘有前

東華續錄

光緒七十一年

七

項情弊定惟該督撫是問○岑鴻章奏去歲法提督統率兵艦來華伺喝肆擾海疆不昂招商局輪船駛行洋面日有戒心法人編佈謠言遇船劫奪船貨成本太東乘商備遭不測之禍遂議仿照西國通例暫傳與美國旗昌行主代為經營採用美旗俾可照常駛行以保眾商成本其價照原值銀兩以銀票如數抵給經道員馬建忠與英國領事商議俟法事定將銀票贖還旗昌仍由局收回船產兩不失信馬建忠因與眾商定議暫售寫立合同契據據呈於上年七月內詳請奏奉 旨俟事定後務當即行收回等因欽此九月間旗昌行東主米德來津復飭道員盛宣懷與該行東預行妥商擊訂屆期收回案約欽奉十月二十四日 寄諭招商局暫售他人係馬建忠經手著俟該員回津後即將收回一事嚴切責成妥為辦理等因今年法約定後遵即責成該員並派盛宣懷會辦欽奉四月二十九日電 旨著遵前旨將招商局輪船迅速收回其如何辦理之處即行覆奏等因欽此又經轉飭遵照據盛宣懷於四月二十三十四日傳知旗昌行東主米德預備一切該行東來津允遵原議辦理馬建忠亦由滬至津會同該議議廢月餘該行東願按原價倒賣與招商局彼此訂立合同畫押為據定於本年六月二十一日起換旗契契船隻有去上海駛運不及調回者即在別埠換旗至七月初一日將輪船棧房碼頭各項產業悉照原盤收回仍歸招商局員自辦旗昌原銀崇依舊付還其原立售契

東華續錄

光緒七十一年

八

密約帶回上海於各項收清後彼此交還銷廢至旗昌代商局墊付款項帳目亦即分別核算清結該洋東素講信義此次保護商局力踐前言雖不自言勞殊於大局有益經盛宣懷馬建忠與之議明由商局延充總查董事事助每年送給薪水銀五千兩三年為限以資酬答期滿後或去或留悉聽局中眾商主持不致再有轉輾伏查輪船招商局為中國商務大端前以法人起畔暫將船產售與旗昌原係萬不得已之舉今幸法事定仍照原議如期全數收回海足張 國體而協商情堪以仰慰 聖恩報聞○內子劉調東稔察海領海援仗尤為出力人員懇恩獎勵一摺浙江鎮海縣上年十二月及本年正月迭被敵船撲擊經在事各員弁奮勇擊退尚屬著有微勞浙江提督歐陽利親往前敵督率有方著賞給頭品頂戴至所請各員獎敘未免過優特加核減酌予恩施提督楊岐珍著賞給頭品頂戴總兵錢玉興著以提督記名簡放提督伍金洪著賞給三代一品封典劉玉田著賞給頭品頂戴總兵何元啟著以提督記名簡放副將唐東鈞著以總兵記名簡放參將張國林著免補參將以副將仍留兩江前先用副將陳勝文著賞給三代一品封典參將鄭鴻章段生福著免補副將後以總兵記名簡放副將費金組著免補副將以總兵記名簡放都司周啟勝著免補都司後以游擊儘先補用都司銜鄭應保著以都司儘先補用副將以珊泉著免補副將後遇有水師總兵缺出記名簡放都司鄭碧山著免補都

查勘認真撫務令實惠均霽以拯災黎餘照各督撫所奏辦理○諭吏部奏遵旨改議處分一摺前
 福建布政使沈保請著照部議降三級調用大學士左宗棠閩浙總督楊昌濬著照部議降一級留任均
 不准抵銷○以蘇藩為湖南按察使○曾國荃奏准軍機大臣字寄光緒十一年五月二十六日奉
 上諭楊岳斌等奏籌辦臺灣防務澎湖基隆滬尾三海口均須長泊快兵船一摺修造鐵臺運辦各料
 須裝貨船一隻請飭南北洋分撥快船二隻福建船政速撥裝貨船二隻到臺備用等語臺灣所需各船
 能否照數撥往著李鴻章曾國荃奏明辦理至各船到臺之後餉項如何撥給並著妥議具奏將
 此由四百里諭知李鴻章曾國荃並傳諭裴蔭森知之欽此仰見 聖朝明燭萬里慎重兵船彼此兼顧
 之至意竊思北洋快船能否撥往李鴻章自必奏明辦理○第就南洋情形言之快船僅得兩瑞兩
 號此外足相頡頏者尚有開濟一號行駛已不及該兩船之速去年法事方棘奉 旨撥船赴閩三船之
 外添派澄慶取遠兩船實因快船無多用以添數而澄慶駛速卒以行駛較緩毀於石浦至今思之猶為
 心悸而南琛南瑞開濟三船亦被阻於鎮口追款議定定敵船開去六月初旬甫經回滬惟是半年以來
 三船晝夜生火備戰火爐水櫃不免微損船底又為鹹潮浸潤鋼板日見銹蝕坐守安泊開闢多次內而
 船心之輪機外而船面之器具均有傷殘回江之後必須莫以時日大加修理方可復用而南洋地段遠

東華續錄 光緒七十一年

關隘口林立現在可用之船僅此三號論戶口稠雜之計既未敢舍己若人當海氛甫息之時無所謂移
 緩就急再四思維難勉強酌撥以致顧彼失此所實乎兵輪船者平時以結隊操練為務所有各船操
 鎗機炮板以及升旗列隊諸法每日皆有一定之時刻不易之課程不容稍有間斷亦不敢失於紛雜
 若夫以時放洋增長閱歷或縱觀外國戰事庶幾風濤沙練以巡游而益熟誠技藝以磨練而愈精此
 昔中國兵船應習之業不可自就安逸亦不可稍懈勞方擬俟三船回江修竣後即令益加學習實
 力請求以為將來各船先路之導自未便分撥數艘於約束轉誤海防後之良圖查澎湖基隆滬尾
 三口皆勢處扼要之地夙稱沃壤之區他日萬一有警實為敵船所窺何必須不日撥防方可臨時籌
 應由閩省全力部署自根基開警之日借助應援之船方可有備無患若僅分一船以守一口在尋常
 無事之時徒糜餉而無用至於一旦有事之日仍勢孤而無援似非策之上者何敢敷衍以相酬耶且愚
 以為 諭旨方飭大治水師則各省當船同屬至急於五月初四六月初三兩摺撥派請購鐵甲雷快
 各船並聲明福建等處亦須從此推廣實有鑒於前此之船之苦練料後此待船之殷所以亟欲及時圖
 維未雨綢繆以免他日緩急相需之際復露捉襟見肘之形如荷 聖慈採納備准施行海防要議實在
 於此俟一兩年後南洋新購之船可多巡歷洋面游刃有餘即可酌撥二三號分應閩省海防之用為兼

東華續錄 光緒七十一年

如鄰封海島之計較有裨益敢取寸衷諒蒙 宸鑒此次欽奉 諭旨垂詢有能否撥往准其奏明辦理
 是一時限於力量未能夠撥早在 聖明洞鑒之中臣不敢不據實奏明伏候 聖裁 上諭軍機大臣
 等覽奏已悉著將三船趕緊修理仍遵前旨撥赴澎湖加操練以資防守○丙戌成孚陳士杰奏承准
 軍機大臣字寄光緒十一年二月初三日奉 上諭吏部代遞主事齊寶敏奏變通辦理河運一摺據稱
 借黃浦運其弊有八宜將黃河入運之口封固挑深開河自臨清州引漳衛水倒灌開河直道張秋鎮廣
 備撥船起運並於張秋鎮酌建倉廩遇河涸時起運不及暫行收入等語所陳各節是否可行著成孚陳
 士杰妥議具奏原摺均給閱看等因欽此遵當即各派幹員前往清運一帶詳細查勘去後茲據該
 委員等稟稱遵即馳赴運源自張秋鎮起至臨清州口臨止由南而北按段測量張秋地勢高於臨口
 約一丈有奇而近年衝水來源亦頗微弱欲使送行二百餘里之運上趨二丈數尺之高度度理揆情導行
 匪易若將南潞河身大加疏濬低於衝河則臨口須挑深四五尺張秋一帶須挑深一丈四五尺核計里
 數丈尺土方約需夫工例價銀四十餘萬兩值此庫帑巨細鉅款難籌勢難速辦且濶濶之水亦亦瀾濶帶
 泥引以入衝濟運一經清落則河底益形淤墊水性就下以南高北窪之運業引淺弱源微之衝水逆行
 倒灌其窒礙難行之處不符智者而自明細之借黃浦運原係不得已極宜之舉誠有如齊寶敏所奏其

東華續錄 光緒七十一年

弊滋多然會此則又別無來源可借轉籌思殊鮮良策請查核奏覆等情前來等伏查河運轉輸攸
 關京倉根本至計亟宜疏通運道以為經久之圖況治河即以治漕尤宜設法妥籌以維全局如主事齊
 寶敏原奏將黃河入運之口封固挑深開河導引漳衛之水直達張秋則須將一百餘里開河甚挑深廣
 方能源暢注無論疏挑經費未易設籌即使一律挑深而使曲折濶濶於百數十里之遙導以濟運縱
 時逢夏汛衝源旺發而感漲之往往往隨長隨消未能持久且漳衛之渾濁亦不亞於黃恐不免仍有淤
 阻停淤之患即使建倉備撥亦須河水足資浮送方能辦理等詳核載衛河本有泉流微弱水不勝
 舟之語故又引漳入衛以資濟運嗣因衛河為漳水積沙淤墊復有另開支河洩漲仍歸故道之議是借
 黃固因病運而借衛亦未見可行此往事可考之明證也查同治十年前清臣蘇鳳文主事將作錦光
 緒五年御史葉蔭防等先後條陳導衛濟運開挑河各事宜即經前河臣撫臣委勤情形皆因格礙難
 行未便舉辦而止歷次陳奏有案今齊寶敏所奏各節自為規復河運慎重倉儲起見而其大致仍與前
 作錦等條議無異等語在在來留心訪察竭力經營導衛情形實多窒礙茲復悉心籌酌往返函商如
 果事有成效孰敢不力任其難為遂漸規復之計無如南北地勢高下過於懸殊漳衛河源消長尤無把
 握既無變通辦理之方又何敢遽就依違致虞鉅帑將導衛濟運事多窒礙緣由恭摺陳陳得 旨如

東華續錄 光緒七十一年

所讓行○丁亥諭會國英法江西南安徽江西三省被水辦情形一摺據稱本年南中雨水過多致江
湖漫溢江南之上元等州縣安徽之六合等州縣江西之清江等州縣低區圩田堤埂俱有被淹衝決情
事業經分別疏濬撫卹等語前聞江蘇多雨曾經降旨垂詢茲當所奏各情朝廷係深察系屬該督撫
飭屬確查務將賑撫事宜妥籌速辦總期實惠及民毋任流離失所用副軫念災黎至意○庚寅諭軍機
大臣等彭玉麟奏痲疾難痊懇請開缺並開去差使回籍調理一摺彭玉麟巡閱長江勳勳卓著連年以
來因病懇請開缺未獲允准茲復據奏病勢增重情詞懇切不得不勉如所請以示體恤兵部尚書彭玉
麟著准其開缺回籍安心調理其長江水師巡閱差使毋庸開去劉廣成李成謀認真經理彭玉麟不必
拘定假期一俟病體稍愈仍著照舊任事以副朝廷倚畀至意○諭左宗棠閩省現已解嚴王詩正
所部營勇著左宗棠督飭妥為遣撤并勸王詩正即行回籍○辛卯電 諭李鴻章著照前購鋼面鐵甲
快船四隻備臺灣用即電商英德出使大臣妥辦船價戶部有的款可撥○命楊昌濬著兼福建巡撫○
諭上年四月間特准李鴻章與法國總兵福祿諾議定越南通商事宜無非戢兵安民之意迨後諒山一
役不得已而用兵越南地極炎荒士卒每多瘡故且相持半載各損師徒藩屬人民亦罹鋒鏑朕心憫焉
自十二月間總稅務司英人赫德以兩國本無嫌隙力請仍照津約往返通詞懇懇修好朕仰維 上天

東華續錄

光緒七十

十三

好生之德並敬念 列祖命將出師於天時地利緩急進止揆度不存成見恭維乾隆五十四年安南撤
兵迭次 諭旨權宜所值先後特照所請命李鴻章等與法使巴爾納新訂約十條於越南北圻
邊界定地通商言歸於好現在法國退基陸澎湖之兵我亦將演粵各軍撤歸關內彼此擒獲人家均已
按數交還從此荒服免遺兵燹海宇共慶文安均廷於此事權衡始濟察機宜本無窮兵黷武之心允
協字小睦鄰之義合當和局既定特通諭中外俾咸知朕意○壬辰諭朝廷孜孜求治之意民生之休戚
國計之盈虛吏治之得失胥視封疆大吏為轉移各督撫身膺重寄宜如何振刷精神力求實效近來
認真辦事者尚不乏人而相沿積習未能實力消除往往詔書特下剴切聲明各該督撫輒以通行僚屬
為了事並未確切考察以致於澤不下究弊轉叢生甚至特旨交查事件消彌延擱比皆係統營廢弛
已久既多新招之勇後養無用之兵錢糧已屬虛耗各省防營又多虛糜若非嚴加裁汰何以訓練精
兵度支出入全在綜核精實錢糧維正之供而捐與餉餉竟成例規田正賦送末後額關稅則視為利
藪但知牟利肥己從不念及於公家撥金一項費費尤多已國家不得已之舉視為調劑屬員之事中飽
優渥半不可破各省製造繁興經費至鉅委員不得其人冒銷朦混尤為一大漏卮其餘例外浮費無非
上虧國帑下削民生種種積習不可枚舉如果更延核實公視國事如家事任勞任怨不倚不偏何難

東華續錄 光緒七十

足國裕民日有起色該督撫均係特簡倚任之臣其各激發天良仰體宵旰焦勞之意事事實心經理必
須破除情面與刻公明得人則治尤屬要圖勿視詭譎為具文勿以陳奏為塞責經此次切實訓飭之後
如有仍蹈習習瞻顧因循一經查出輕則立予罷斥重則分別治罪決不姑容總之用人行政朝廷惟以
實事為衡各該督撫應如何整頓之處通盤籌畫緩斷與毋得稍有敷衍懈縱致干咎戾之懷○
諭國家廣開言路原期各抒忠誠俾得集思廣益上有補於國計下有裨於民生諸臣建言自應審時度
勢悉從偏私以至誠詞切之心平情敷奏庶幾切中事理言必可行上年用兵以來章奏不為不多其中
言之得宜或立見施行或為萬慮無不慮衷探納並一一默識其人以備儲時器使至措詞失當從不
苛求即陳奏迂謬涉鄙但者亦未加以斥責若挾私妄奏信口詭譎既失敬恭之義兼開政訐之風於
人心政治大有關係恭讀 高宗純皇帝聖諭中外大臣皆經朕簡用苟其事不干大戾即朕亦不遽加
以斥責御史雖欲自著風力肆為詆訕可乎又恭讀 仁宗睿皇帝聖諭內自王公大臣外自督撫藩臬
以至百職庶司如有私法奉恩負職者言官據實糾彈立即嚴究重懲若以毫無影響之談誣人名
節大鑿難逃國法其在等因欽此 訓諭煌煌允宜遵守如上年御史吳煦劾參劾劉銘傳自為漢奸編修
梁鼎芬參劾李鴻章撤拾多欵深文周內竟致指為可殺誣謗大臣至於此極不能不示以懲儆吳煦梁

東華續錄

光緒七十

十四

鼎芬均著交部嚴加議處總之聽言行政一秉大公博訪周諮惟期實事求是非徒博納諫之虛名爾諸
臣務當精白乃心竭誠獻替毋負諄諄誥誡之意勉之○甲午命孫毓汶在軍機大臣上行走○乙
未 萬壽聖節 太廟後殿遣載敦行禮○丙申 上諭 太廟行禮○諭軍機大臣等蘇元春李秉
衡電稱王德榜一軍請飭遣撤等語即著該藩司統帶所部回湘妥為遣撤毋令滋生事端
秋七月丁酉朔時享 太廟遣世鐸恭代行禮○劉秉璋奏於本年五月十八日將正月至四月台州
拿獲土匪名數情形附片具奏乃於五月二十等日據署台州府知府陳瑞著台州協副將韓進文飛稟
訪聞有外來哥老會勾結土匪到處煽惑圖謀不軌約期起事民心惶惑請官剿捕等情經臣先調
啟生福一營由甯波拔隊前往乃謠言日甚深慮猝不及防又飛飭記名提督楊岐珍由鎮海防次親率
數營航海赴援後據台州府營縣先後稟報訪聞匪有五洋山三結堂名目用白布填滿號標引
引誘人入會每票銀錢六百八文製造旗幟創立偽號諸名目約期五月十六日先攻仙居縣城十八日
攻撲郡城先派內應城伏匿妄圖大舉等情五月初間仙居縣伍桂生緝獲哥老會匪首郡中哥宋順
得一一名臨海縣高英於台州府城內拿獲偽目周官曹長吏二名均搜出偽票供詞羽黨謀為不
軌潛赴台州仙居兩城內應並據周官曹長吏供出湖南人成祥即成老大係屬此案哥老會總頭目

等語均即登時正法以絕內奸五月十五日署台州協副將韓進文親率練兵馳赴仙居沿途見有民間男婦奔逃形跡並聞匪徒明日攻城之語飛速抵城會商該縣知縣伍桂生憲籌布署十六日清晨匪寨二千餘人山城兩峰擁而來我軍先已派定練軍哨官劉福魁顧海友出南門親兵前哨張運開出東門右營守備沈輔出西門該副將親督哨弁將化脚趙鳳麟等由小南門而出分投迎擊該匪亦分股拒敵各軍勇往而奮力擊刺互相夾攻匪勢不支紛紛敗退至西門刻隊共計斬首級二十五顆生擒二十六名奪獲五洋山大旗一面旗幟器械多件我軍受重傷者五人微傷者三人訊據生擒賊供稱實在匪徒數百人餘皆糾合就地頑良隨同助勢許其入城搬取物件是以各執槍鎗圍口袋等語當經訊認為匪剿辦之項據憲先行正法是日台州府派隊助警官張正標中途擒獲匪朱大滿驗有巡風宋會票及洋鎗刀械供認回案招匪不諱當即正法次日探聞餘匪散回驚案寺存存數十人一面清查城中戶口搜獲意圖內應匪首王廣東一名解府審辦一面派隊馳往驚案寺剿捕該匪初猶抗拒迨後隊官軍大至狂奔上山哨弁製業成等一擁而入帶同總民搜獲業魁潘恭生即牛大王本係臨海劫獄案內漏網之犯併認結會起事謀為不軌並受偽職不諱立予正法張正標分隊搜山擊斃多匪拿獲要匪王小住應志中一名供認該匪不諱亦即正法又據記名提督楊岐珍稟報五月二十五日到黃巖即帶隊

東華續錄 光緒七十一 十五

進山取道絕壁深林之內沿途搜捕至仙居詢之土人云此次會匪起事鄉里被騙入會者甚夥現被官軍擊敗往往逃匿山谷該提督傳諭紳董曉諭以順逆凡繳械自首者免其治罪一面會督各營分投入山兜拿餘匪查追僞票以絕根株並又擒獲匪盧承內等七名解府審辦茲據署台州府知府陳瑞稟稱會匪首票總頭目成祥即成老大潛避黃巖鄉間經該知縣嚴防緝獲到案批飭嚴訊重辦以彰國法現在各軍均已到防商日漸息民志已定等語以上係台州府屬老會匪句結土匪聚眾攻城登時擊散首要擒拿全股撲滅之實情也伏查台州府屬素多土匪糾捕雖極艱難絕絕兵至則散而為民兵迫則聚而為匪實因地瘠民貧惡習已深驟難革洗此次老會匪徐知防營他調乘間句結意圖大舉公然擁眾攻城實屬罪惡滔天仰 聖主洪福文武各官官謀勇兼資先期訪獲首要隨時督勇剿殺得以全股撲滅不致蔓延實為地方之幸惟是人多土著良莠不分向不可姑息姦奸亦何能盡殺乃止已已飭記名提督楊岐珍等督率各營嚴密搜捕凡會匪犯案及著名匪徒罪在不赦拿獲到案訊供懲辦其實係被脅附和尙無燒殺重情者量予寬宥尤當與就地公正紳士聯絡商辦期無杆縱匪根久駐防營續拿伏莽備以兵威以冀潛移默化選秀為良仍飭地方官嚴辦以清其源所有台州地方府縣文武各官倉卒應變於撈兵未到之先全股撲滅實屬異常出力自應量予獎勵以昭激勸

可否仰乞 天恩俯准擇其尤為出力者量入海防案內從優給獎以資策勵之處候 旨遵行 上諭劉秉璋奏會匪句結滋事奪時撲滅一摺本年五月間浙江台州府屬有外來哥老會匪句結仙居土匪謀為不軌經飭地方文武並調派防營前往剿辦該匪膽敢拒敵各軍奮力攻擊先後擒獲首要各匪分別正法辦將全股撲滅辦理尚為迅速所有在事出力員弁著准其擇尤酌保毋許冒濫○已亥諭張之洞會同倪文蔚李秉衡奏報廣東廣西被水詳細情形各一摺雲南災民困苦流離極深憫惻業經該督撫等籌集捐分別賑濟稍慰屛屛奉 聖鑒諭旨著准其擇尤酌保毋許冒濫○已亥諭銀各三萬兩即由戶部撥放俾資賑撫此張之洞等務當仰體 聖慈軫念災黎有加無已至意核實散給毋任稍有弊混○庚子 上諭紫光閣閣精捷技藝○辛丑諭前據左宗棠奏因病辭職開缺回籍當經假一月俾資調理茲據奏稱病難痊癒請交卸差使展假回籍等語覽奏病體深原念自應俯如所請左宗棠著准其交卸差使不必拘定假期回籍安心調理該大學士夙著勤勤於吏治戎機久深閱歷如有所見仍著隨時奏聞用備採擇一俟病體稍痊即行來京供職○諭李秉衡奏營勇中途滋事請將該營官議處一摺內稱調赴關外之鄂軍各營遣撤回防提督胡定坤統帶所部勇船行至南甯府屬三洲灘地方軍丁因案取灘夫起衅致斃人命胡定坤約束不嚴實難辭咎著先行交部議處仍

東華續錄 光緒七十一 十六

著裕祿彭祖康嚴飭核實迅速查明兇犯勒令交出歸案訊究倘敢再事延玩即行從嚴懲辦現當邊防兵勇遣撤之時著通統統帶各官申明紀律隨時嚴加約束倘有沿途滋擾情事即將該勇丁按律嚴辦並將該管營官從重懲處決不寬貸○諭軍機大臣等領南馬白一關為滇桂入越邊要處所現當和議甫成越南游匪為患關內亦多伏莽此後分界通商中外人民往來尤夥必須大枝重兵添紮要隘以嚴奸宄而靖人心著岑毓英張之洞張凱嵩李秉衡悉心會商將如何添設提督專官確數兵勇營數或留現在計力勝兵以充新額汰地無庸常卒以省空糧何處總禁何處分防一切通籌籌辦圖貼說嚴斷復陳候有定奪其新設營尤須選練精實能戰能守一兵得一兵之用勿以疲弱廢汰之兵濫竽充額用副副朝廷慎固邊防消弭隱患之至意將此由五百里諭令知之○壬寅 上幸南海自在觀拈香○癸卯會同國委金陵立局製造洋火藥前於城外勘定廠地興工辦理所有建廠經費及購買機器價銀核實估計約需銀十八萬數千兩統由支應籌防兩局陸續撥銀濟用均經前督臣先後奏明在案茲據金陵製造洋火藥局江蘇候補道孫傳燧鄧道植熊照璣等詳稱此次建造洋火藥局廠事關創始一切經費非惟無例可循亦無定章可據所有建造廠屋安配機器指示造藥各事宜前經僱募洋匠監督工作以期合法當於光緒八年春間該洋匠隨同定購機器由外洋到華並即派委員飭司事夫役人

等採買物料等件是年六月興工建造提硝提磺煨炭和藥炭灰礱礱藥礱藥礱藥礱充藥舖
 藥煨藥礱石礱礱各礱與停礱料所以及洋匠住房局藥庫棧房藥房木鐵各工作礱內開挖引
 河建築碼頭水閘駁岸一切工程皆同洋匠人等逐一建造於十午五月底工竣所需建築經費及購買
 機器價銀奉准由支應籌防兩局共撥過銀十八萬二千八百九十五兩有奇遵照部章各節核銷
 下部知之○甲辰以周盛波署湖南提督○予故湖南提督周盛傳於安徽原籍及立功省分建祠職
 交國史館立傳○乙巳子開濟南探南瑞三船在鎮海出力各員丁開容等獲敘有差○趙時熙奏
 查參革人員應即勒令回籍不准在准官省分逗留生事歷經遵辦在案乃近聞各省革職人員往往
 踞省城接交旁門丁為其羽翼藉端迫脅向人訛索稍不遂意即捏詞混控並有毫無屈抑之事亦且
 遣抱違京控告圖營試幸免此種刁風殊不可長相應請 旨嚴飭各省督撫查明如有前項滋事
 員立即驅逐回籍其所控各節似係虛誣加等治罪倘復有隱容留別經發覺即將該督撫一併議處
 上諭御史趙時熙奏各省參革人員往往懸斷省城藉端訛索請飭查明驅逐等語著各省督撫查明參
 革人員如有此等情事即行飭令回籍不准逗留○丁未諭軍機大臣等鮑超撤營餉項粵省已撥十萬
 兩省撥奏續劃十萬數計銀數已足先撤一半著鮑超儘此銀兩隨到隨撤其餘未撤一半著統奕迅飭

東華續錄

光緒七十

十七

回至雲南省城候仰即與該提督商辦並著丁寶楨領銀十數萬兩由岑毓英派員迎提應用不數銀兩
 在瀾慶兩處酌量籌備俾撤兵到彼給領○諭軍機大臣等有人奏安徽霍山縣土蒙黃孔僕盜葬祖塋
 率眾將黃志運次子活埋斃命該縣令白毓崑延不結案縱役持票焚墓將黃志運長子黃本花榜逼致
 死該縣令附和私了等語仰著吳元炳確切查明據實具奏毋稍徇隱○已酉諭巡視中城御史本貫等
 奏按察使保練勇出力員弁開單請獎並將請正指揮等官疏通選缺班次及准照截取章程分發補
 用各摺片著部議奏○劉錦棠奏准刑部咨議新竊盜犯卷請酌量減通一摺內稱嗣後遇有秋審減
 等之犯即由同委至子女發配車輛口糧一併沿途地方官撥護送並請 飭下撫臣飭屬妥議章
 程同一部商議各條查明辦理等因詞准欽奉 恩旨查辦減等條款到營後應人犯太多沿途支應不
 易新竊難安插請將陝甘山西四川直隸山東河南七省人犯先行起解俟例定期地發配俾得從
 容調理尤見思深慮遠體貼入微當經先後飭該去後南路各屬和阻礙並著將轉轉讓復尚當時日
 巨荒地無多部臣亦請無須在此數處安置罪犯北路領通進運查報遺犯甚多昨聞開拔赴省沿
 途察勘情形屬實請將七省人犯陸續飭令起解先儘進化州境安置次及阜康奇台昌吉綏來兩西哈
 密等屬縣前奏請交官兵督束係指種地高差遺犯而言此項秋審減等非軍道以上罪名可比投

東華續錄 光緒七十

之審微無非為興屯起見現值諸務創始未移防未定撫標兵制未設兵屯者察刻難辦且地段大小
 畝數多寡寒水真匪均難一律應請俟各犯到配擇其年力精壯有室家者山地方官酌量多少隨處安
 插並交鄉約領保撥荒地與平民種戶錯壤犬牙相錯出入守家同茲作息使其有所歸紿仍地方
 官接季查驗以昭慎密其隻身人犯及不能種地之人即照配所衙門役使或酌令小買佃時察有辦理
 俾資鈐農農具牛疋房屋食糧等項應請照新編墾地戶民例從優借給分年繳還並酌量年限准其入
 籍為民仍按甘肅屯墾徵費章程最為展緩年限俾得格外從寬寬犯有能督辦開墾地多獲應即遵
 照部議隨時奏請釋釋惟本年奉 恩詔減等之犯數多查甘肅一省已不下八九十名若直隸山東
 四川更不止此合計七省當在千名內外無論由何省起解出關甘肅總匯之路此項人犯隨帶家室
 口糧車輛等費需款尤鉅甘肅及關外州縣均屬瘠苦不但難以賠累即籌墊車糧銀兩亦不易應請
 准照實在墊發數目作正開銷以示體恤又倉烏魯木齊伊望遣犯向有鐵廠指銀及船廠指捐衣物例
 酌定年限准其分別為民回籍此等官犯可否照辦理令其幫屯屯田經實或接照軍營廢員贖罪章
 程按日月之淺深定捐輸之成數准予回籍免遣統將銀兩解交藩庫存儲以備屯墾撥用之處非臣下
 所敢擅請再部臣謂宜時加安插窮窮則戩人盡樂生洵屬確論臣自應嚴飭各屬諭令各該鄉約

東華續錄

光緒七十

十八

戶民一體遵照各省差役護解人犯需案誅求在所不免哀此羈縲何敢申訴今許配配妻子攜帶財
 物之犯必多應請 旨飭下各省督撫嚴飭所屬先行出示曉諭准於點驗起解時當堂呈明財物與註
 解牌以杜搜索倘有前項情弊許各該犯隨時喊冤一經審實立予痛懲其餘未盡事宜容再隨時奏咨
 辦理至戶部前議各條應俟制兵一律設妥撥地試種已有頭緒再行另案詳細奏報下刑部議奏○庚
 戌頒給山海關 海神廟 天后宮匾額○辛亥李秉衡奏辰辰西被水各屬現籌賑恤情形 旨覽奏
 已悉並經降旨諭令妥籌賑恤並欽奉 諭旨發款賑賑即著李秉衡督飭印委各員認真經理務使實
 惠及民毋任一天夫所○癸丑 上諭 奉先殿 壽皇殿行禮○會國茶臣李鴻章轉總理衙
 門來電奏 旨蘇元春李秉衡電稱王德榜一軍請飭遣撤等語飭令該藩司統帶所部回湘妥為
 遣撤毋令滋生事端欽此仰見 聖謨周宥因時制宜吳名欽佩查王德榜一軍連防西其領項係
 由江西月撥銀一萬兩近年以來報解未能按期如數惟江南由兩淮運庫月撥銀二萬兩幸未帶入難
 去冬今春南洋防務緊需籌備之時亦尚騰挪本省之款未敢稍吝協濟之實誠以 聖朝隆念南
 服暫時憂勤防防既未稍鬆即邊備未可廢視今奉電 旨遣撤該軍適值江南籌防局需用浩繁餉源
 枯竭入不敷出詳請撥款據該局額撥經費浙江粵東兩省撥金一欵久已耗毫無解各口關稅則因

收數甚細而解數亦與之但細又有奏請停解之否福建所借洋款近已奏明分年攤還南洋應得之款日見其少將來各處解數寥寥不問可知今年沿江兩岸悉被水淹本省各卡釐金收數日形減色商賈裹足由於財盡民窮常年額入之項已難如數供給又安望其勻濟海防經費哉至於海防水師各項待用之款如兵輪船月餉約需三萬餘兩目下僅以江海關所收製造二成洋稅及分解南洋之一成洋稅按月添發總覺不敷新添保民輪船等已言及月無從籌備又上年奏准訂購洋廠八百磅子大礮八尊秋間可以抵華此項找價尚須三十餘萬兩而修築礮臺安設八門大礮前此相度地勢議在吳淞江陰各安四尊並聘洋人照西法鑄式做造兩處礮臺礮身既重且大則礮基宜求堅固方可以垂久遠臺式宜尚開闊方可以制敵船約計具備中外工料縱力攬節所費約需十萬兩有奇乃能竣事又石浦綫撈沈船業經洋廠包辦雖取速船起水尚無把握未訂合同即照舊慶船礮價及將來修理之費合計數目亦將近十萬兩凡此皆款項之甚鉅而又刻不容緩此籌防局祇此來源以入抵出所短甚多詳請指撥的款以免臨時周章等情前來臣察核所詳均係實情惟念江南近日進項之候細如彼而出項之日繁如此點金乏術仰屋興嘆既不忍撤商截留復不敢籲懇部撥再四思維別無良策即欲籌撥按月有著之款作移緩濟急之計而本省協濟粵東合字數字四營之餉與福建榕橋八營之餉亦尚未忍

東華續錄

光緒七十一

二十九

速然奏請停止查運庫原撥定邊糧車月餉二萬兩該車道撤事自應停解應將此項月餉銀二萬兩撥作籌防經費如蒙定案俟奉 俞允即飭兩淮運司按月移解籌防局湊發輪船月餉及修築礮臺之處其找礮價沈船各款尤非倉卒所能辦查裁勇節餉被注甚實別無辦法查南洋上年奏調撥粵撥銀五十萬兩得以敷衍至今現在部撥之銀早已用罄新添之營餉本無著所幸防務已鬆日應將陸營之勇裁撤六七千人藉資節省由支應局於此中每月勻出數千兩以應海防水師各項之急上諭軍機大臣等王德榜軍道撤後運庫每月所撥餉銀二萬兩准其移解防局備用至仿造西法礮臺所聘洋人務須詳慎選勿任濫竽充數仍派熟諳洋法人員督率監視嚴防船礮及修理之費據稱將近十萬未免浮多該督務當切實裁減不准委員稍有虛冒其營各節著照所議辦理○丙辰許景澄奏定運鎮遠兩鐵艦前奉 諭旨飭軍機處督辦李鴻章章覆一併接管在案本年三月間法事初定以三艦籌備駛行頭緒紛繁難辦因電商李鴻章先行補購礮位查估借用弁役糧物各數並商借德國水師船廠飭各艦次第入塢油漆見新旋於四月二十九日奉 旨中法詳約已定定速鎮遠兩鐵艦濟遠鋼艦即著駕駛來華應如何選派員弁妥為督辦著李鴻章許景澄會商辦理欽此

當即遵程速備辦伏查定鎮兩艦經前任出使大臣李鳳苞延募德國水師官士白齡密拉充當管駕訂立送船及留華教練合同嗣定運管駕式白齡應募來津後由李鳳苞訂僱洋員伏司接充至濟遠一艦亦經李鳳苞飭伏耳與廠暫僱洋員恩諾爾管理維外洋水程阻遠士著之人較能諳練伏司密拉二洋員早經訂有成約應令照前供差並據該廠保恩諾爾久習駕駛因即定僱為濟遠管駕以資熟手先後函電李鴻章山由分飭辦理惟洋員可供驅策之資未便為耳目之寄復飭隨員江蘇試用同知楊兆發及李鴻章原派協辦定遠之遊擊劉步蟾分駐定鎮兩艦沿途照料俾得事事得以裕繁濟遠行率駛速並經電商李鴻章仍隨定鎮借行期可互相策應且幾次馳赴漢耳海口察看各艦編工督催伏耳與廠暨各該管駕選僱弁役備購糧物週期措備該廠商等頗知効力 中朝鼓舞率作二旬之中諸事具舉皆謹謹古五月二十一日致祭 天后歷登三艦禮酒畢即於是日展輪內渡再該艦由波羅的海繞大西洋而南始達於地中海取道紆遠經過各口稍多停頓又定鎮兩艦各帶大砲艇兩號噸力加重未能迅速進行計一路安順約九月之內可以抵津除飭該管駕等妥速駕駛並令該委員隨時協催毋任延延報聞○丁巳內閣學士周德潤馳往雲南會同岑毓英張凱嵩辦理中越勘界事宜並著吏部主事唐景崧江蘇試用道葉廷芬隨同辦理○命鶴齡寺卿鄧承修馳往廣西會同張之洞倪

東華續錄

光緒七十一

二十九

文蔚李秉衡辦理中越勘界事宜並著廣東督糧道王之春直隸候補道李興銳隨同辦理○頒給河南信陽州 城隍廟匾額○諭前因黑龍江將軍文綰副都統成慶因過民偷挖金沙一案互相參奏當派寶森前往查辦茲據查明覆奏此案文綰雖查無奏報職故移禍程參等情惟於奏參成慶摺內未將該副都統查出金廠及商辦各節詳晰聲敘答覆難辭成慶具摺剖辨於失察屬員縱釋金匪各情概置不論亦屬非是文綰成慶均著交部議處○已未諭前據御史彭光壽奏候補同知直隸州知州蔣英在江蘇游幕省分兩次朦朧捐等情當經諭令衛榮光確查具奏茲據查明蔣英充江蘇蘇州府知州蔣英在幕友迫賄捐知縣丁憂後仍充繼造幕友實屬違例朦朧混藉英著即革職以肅官方衛榮光雖有失察之咎此次據實查核並無迴護著免其置議○辛酉 上諭 壽皇殿行禮○王戊命穆圖善來京陛見以古尼布著署理福州將軍○諭御史恩隆奏請將奉省大凌河一帶牧羣裁撤地開墾等語奉天大凌河牧羣曾於嘉慶道光年間迭奉 諭旨禁止開墾 聖訓具有深意何得妄議更張致滋流弊該御史並未詳稽典則率行奏請殊屬非是恩隆著傳旨申飭○癸亥諭都察院奏直隸武邑縣民人甄恆裕以刑邊祖繼父竊難伸等詞赴該衙門呈訴此案本年三月間監生甄鳴鶴等呈控委員驗從囑託祖庇由該衙門代奏當經降旨令李鴻章提訊尚未覆奏而甄恆裕復以問官刑逼祖繼等情呈控委員等有無

偏袒情弊抑或甄核裕詞捏控著李鴻章親提人證卷宗秉公嚴訊據實具奏甄核裕著該部照例解往備質○陳士杰奏前因伏汛緊急防河勇丁不敢分布適值海防戒嚴調回營字兩營濟字一營分段加防以期嚴密六月間屢次感漲均皆抗詭不穩嗣據前署按察使潘駿文及各營營稟稱六月二十八及七月初一兩日大雨如注連降連日平地水深四五尺不等而豫省各報萬錦灘六月二十二十四等日水漲一丈有餘六月二十八日已抵壽張縣境此時大清河水勢陡長一丈三尺該縣黃水向分兩道連年西道壅塞不通是以漕運改歸陶城畢新運河口此次感漲復將舊河衝開由孫家碼頭連東直灌舊運河分為兩股小股浸入壽張陽穀境內大股穿陶城畢新運河順大堤趨東阿平陰肥城直抵長清之趙王河該處大堤歷河而過未留口門洩水不意水勢過大從此衝刷口門寬約十四五丈其水半由齊河境入徒駭河半由五龍潭出大清河此壽張孫家碼頭黃水浸入衝刷趙王河大堤之大概情形也又據報長清縣之大碼頭民愈七月初二日河水大漲風雨交加其時民埵內外皆水無從取土防汛弁勇搶護不及隨即崩開數十丈其水順堤而下至齊河仍由上年大堤掘口處所灌入徒駭此兩處皆屬北岸均未損傷人口惟南岸長清縣之王符河七月初一四更時分山水暴漲衝開民埵直入大清河該處四五村民房多被衝倒黑夜趨避不及淹斃男婦大小五十餘口當經長清縣知縣

東華續錄

光緒七十一

二十一

蘇杰給錢打撈屍首掩埋所刷口門僅十四五丈亦不深隨即堵合埵內積水現飭駐防弁勇設法疏消以救秋禾以上被水各縣民情均屬困苦現司派員先放饑餉席一面查明被災戶口籌款辦理善賑以仰副 朝廷不使一夫失所之至意伏查大清河地勢南高北低徒駭河係形窪下故北岸決口黃水必歸徒駭該處河身淤墊已久前次遭家莊決口黃水灌入已屬難以容納加以趙王河大碼頭兩處決口之水復行灌入兩岸居民受災更深現飭司委員馳往查勘分別受災輕重一體籌款賑撫統其戶口若干將來作何籌款擬與司道會商妥貼再行奏明辦理至壽張之孫家碼頭長清之大碼頭兩處民埵口門俟水勢稍落即飭潘駿文前往查明籌辦具道王河大堤失事一段係長清縣知縣蘇杰所轄防守武弁係候補游擊戴守禮應請 旨將蘇杰戴守禮革職仍分別留在留防以示懲儆而觀後效上諭陳士杰奏秋汛大漲上游險堤漫決現籌賑情形一摺本年六月七月間山東黃河因雨感漲長清縣之趙王河大堤大碼頭民埵崩開口門約寬十餘丈數十丈不等其王符河民埵亦因山水衝決並有淹斃人口情事覽奏殊堪軫念即著陳士杰委員前往查勘趕緊籌款將被災戶口分別賑撫一面將未經搶築各口迅速堵合毋稍延玩長清縣知縣蘇杰著革職留任候補游擊戴守禮著革職仍留防所以觀後效本年下游決口尚未堵合上游又多開決陳士杰著辦無方實難辭咎著交部議處○以恭壽

東華續錄 光緒七十一

二十一

署杭州將軍○甲子諭軍機大臣等現在籌辦海防善後所有鼓鑄製造事宜銅鐵兩項備用甚殷經諭岑毓英等開辦礦務事在必行茲據維慶奏四川雲南官及時開辦鐵廠陳九利雲南省擴充局務兼開鐵廠請飭分別籌辦各摺片尚多可採丁寶楨平日辦事認真即著以成該督會同岑毓英張凱嵩按照該將軍所陳各節並體察各該地方情形先行籌款實力舉辦該計確需經費若干即行奏明由戶部籌撥的款實力舉辦應用原摺片均著鈔給閱看將此由四百里諭令知之○內寅子故西安將軍多隆阿安徽巡撫李續宜在安徽潛山縣建祠並予故提督石清吉附祀○諭趙超一疏著該提督督飭將弁將各營所領鎗礮器械一律呈繳點驗造冊近移交岑毓英收存並著嚴加約束沿途妥為遣撤毋任騷擾滋事並著曉諭各該營官如果行走迅速絕無騷擾尚可寬濫嘉獎倘有延宕滋事立予重懲決不稍貸至經過地方著岑毓英丁寶楨張凱嵩李用清通飭各該地方官妥為照料以利師行

東華續錄

光緒七十一

二十一

一一一

東華續錄

光緒七十二

朱壽朋敬編 章圭璋校

八月丁卯朔盧士杰奏當塗等縣水災情形得 旨飭屬查明被災戶口妥為撫恤毋任一夫失所並將衝決圩堤一律修築以衛農田○戊辰德馨奏查前准刑部咨以各省軍流徒犯脫逃日眾亟宜變通整頓又五軍內附近邊遠視流罪道程遠近相同與其沿邊虛名徒滋難維何如其加刪減明示區分請 旨飭下各省督撫嚴察地方情形悉心妥議以維法紀各摺片光緒九年十月三十日奉 旨依議欽此欽遵查行到撫臣藩當經行司移行遵照妥議去後茲據詳轉遵即悉心核議除新現現在能否遣發罪犯及發往後作何安置應由甘肅新辦督撫會同辦理外伏查軍流徒犯原因身犯罪罪不至死故減等發配以昭過懲喜自當在配安分守法豈容到配輒逃致干法網乃近來各省配犯脫逃日見其多誠如部議幾於無犯不逃自應妥籌安置之法以維成憲而免贖聚滋事查軍流人犯非殺人犯兇之輩即屬劫竊匪徒野性難馴在獄猶時感脫逃道經發配在聽散處駐守勢不能晝夜相隨防範實有所未易一經脫逃難官發處於事何益羈縻之術惟有令其身有所事然此輩游惰性成恐未東華續錄 光緒七十二

必肯勤於工作若令在兩津驛站充當夫役尤恐其誤公債事似不若於逃罪上略加懲創之法庶足以挽積習而肅法紀除兇惡棍徒及情節較重軍犯遵照部章到配後監禁十年俟限滿提禁安置外擬請嗣後徒罪人犯到配後照例令其充當鋤草挑水等夫或令作衙署驅使人夫酌給口糧役滿回軍流人犯到配即由配所州縣察看情形分別妥為安置或令墾荒興築或令濬河負糧及一切力作之事或令充當夫役或于工食依期查點遇有游惰誤公之犯准各該州縣隨時責懲如若不知悔改脫逃被獲於照例枷號之外再行酌加枷號或鎖帶鐵桿石墩如此辦理是在配有事厥厥口食可資或不至於盡逃而逃者嚴加懲儆亦足以消其桀驁之氣至於三流與五軍名目不同勞逸亦異流止墾地為民終身不返軍則入衙當差世謀軍籍既有應當差役核與民戶不同原不以軍數之遠近為衡但邊衛久已裁撤防軍向不以軍犯濫行充數充軍徒有虛名遂致邊警各省安置軍流毫無分別滿流人犯配逃加等改為附近充軍係山流配計程尚非欲遠及近惟尋常流罪加等間擬附近充軍轉轉流流為尤近似覺輕重倒置去附近邊遠三層誠實事求是之宜惟五軍名目由来已久見於例規見於律如一律更刪恐多窒礙或以流犯脫逃被獲調發酌加枷號軍犯脫逃被獲調發即鎖帶鐵桿石墩似此量予變通亦足以示區別下刑部知之○已諭部領奏署總兵因公被溺懇恩優卹一摺甘肅西甯鎮

總兵鄧榮佳前在各路軍營營戰隨入關隨克寧城委署各鎮整飭操防免極厥職此次在西甯地方帶領兵勇護護河堤適值山水陡發被激身歿殊堪憫卹鄧榮佳著照總兵軍營立功後身故例從優卹卹部知道○以李鴻藻著吏部左侍郎周家駒著吏部左侍郎御史文輝著刑部右侍郎○命戶部左侍郎孫毓汶仍在吏部房行走○以山東賑捐出力子大學士左宗棠等優敘有差○庚午 上御紫光閣閱精捷技藝○諭本年六月以後節次大雨又兼山水成漲漫溢民堤且隸地方洋田被淹天津河間兩屬村莊被災最多及順天所屬之文安等處同遭災歉困苦情形延緩深軫念加恩著該兩屬蘇州糧石萬石俾作賑直賑賑之用李鴻章即會同畢道遠沈秉成督飭各屬詳查災區輕重妥為分別核實散給務期實惠及民毋任官吏稍有弊混用副體恤民艱至意其隨薄輕贖等項及刑罰銀兩經刑耗食米石並著查照成案核數提解交賑局應用該部知道○命金順入覲以錫編著伊犁將軍明春著塔爾巴哈臺參贊大臣○壬申 上請南海自在觀等拈香○諭昨日軍機大臣呈遞順天鄉試應派考官扣除各員各單內有於初四日始行知照告假著已在禮部具題之後嗣後應行開列考官人員於該部題本進呈後不准再行告假以杜規避○諭岑毓英等奏保關外出力官軍業經降旨將該督撫等分別加恩因念兩江總督曾國荃籌濟各路軍營餉需軍火尚能不分畛域自應量予恩施曾國荃著交部從優議敘○癸酉諭劉銘傳奏請開缺一摺本日已有旨令楊昌濬兼署福建巡撫矣劉銘傳督師無功正當力圖自贖著將臺灣善後事宜認真整頓以觀後效所請開缺之處著不准行○以畢道遠署兵部尚書孫家鼐署禮部右侍郎馬拉喜崇阿署左都御史補世長署工部尚書熙敬著工部右侍郎○李慎奎查奴才衙門所轄玉樹等番三十九族向例每屆三年派令章京前往會盟藉便辦理各族詞訟事宜光緒九年冬據玉樹巴燕昂謙族千戶觀藏卻克拉爾加立遣人來甯呈懇以近年屢被四川土司德爾格取陵苛濫戕害果落番賊時常犯界搶殺兼有西藏送吐云等每歲勒索兵費茶銀請委員會照查辦等情奴才派令筆帖式雙奎署都司鄧洪勝偕同章京隨帶西甯鎮標兵丁二十名蒙古兵五十名重書誥諭丁人等前往查辦於十年五月十八日奏明在案茲據該筆帖式雙奎署都司鄧洪勝等本年六月初四日差旋稟稱伊等奉委起程於十年六月十二日馳至玉樹邊界之尼牙木錯該族白長等前來謁見稟稱現在四川土司德爾格派令管家帶兵三千餘人駐紮穆多地方不日即來攻打我族懇請作主等語該筆帖式等即行稟諭差丁往調德爾格管家前來聽候官辦乃該管家呈遞稟呈聲稱尼牙木錯索我屬百姓差徭三日內不將尼牙木錯百長嚴辦我軍軍難難以阻止等語該筆帖式等因即准其調案訊辦而該管家始終不肯前來相持一月有餘於七月二十二日據尼牙木錯百長

東華續錄 光緒七十二

東華續錄 光緒七十二

遣人來梅德爾格已運到銅礮二尊不日即欲進兵急懸拯救都司鄧洪勝帶領漢兵數十騎親往
稱多地方請回私自稱兵之罪該管家詞窮始徵兵未動適有四川麻汎子總領場揚巡邊界前來該
筆帖式即備文知照該千總請其就近彈壓嗣據該千總覆稱已據文稟明川憲約須六十日後奏有批
示再行辦理直延至十二月二十六日始准該千總知照奉委會辦已將德爾格土司之管家傳案該筆
帖式即於本年正月初六日馳赴巴塘地方會同辦理與盧子總晤而德爾格管家並未到案坐待多
日該管家竟自退轉盧千總亦即折回該筆帖式等未便久待於二月申始回盟所傳集各族千百
戶等即將歷年積案以及尋常詞訟案件逐一秉公辦理完結當即宣布 天恩賞給筵宴銀定小刀荷
包等物該千百戶等俱歡呼頂感 闕叩頌各歸原牧至應祭別牧他拉之黃河源與阿克諾爾
瑪沁雪山等處亦已遵照舊制誠心誠敬敬祝聖誕其各族交納馬銀一千二百九十五兩零全數
帶帶祈請轉解所有該筆帖式等銷差遲延緣由實因彼時與川屬土司相持其勢不容遲轉合併聲明
等因旋據玉樹巴燕昂謙族千百戶暨各族百戶等復陸續遣人前來遞呈其控訴情形與該委員等所稟
大略相同奴才復查玉樹各族先年最稱富庶祇以距西甯較遠遼遼川屬之果洛克野番地面時被擄
掠德爾格土司藉口以保護為名任意欺陵苛派差徭以致各族不堪其擾頻年困苦相繼逃散惟昂謙
東華續錄 光緒七十二

千戶族地距德爾格土司最遠與尼牙木錯族僅隔自守未肯應付差徭是以該土司因此挾怨置放與
兵擄難幸此次有委員到彼而都司鄧洪勝親臨陳說高優擬身前往宣示 天威該土司管家雖
復抗異異常然卒未敢復行其意而尼牙木錯一族倖存極全土司感其生事殊屬任意妄為除由奴才
分咨四川督軍駐藏大臣轉飭該管文武將土司屬管轄番族行約束毋任藉端滋事並將微獲馬貢
銀兩查照成案委員解交西甯道免收備庫報關○乙亥前刑部尚書鄧敦謹卒予祭葬○丙子 上詣
泰先殿 壽星殿行禮○丁丑命李鴻章為滬越邊界通商議約全權大臣○丁丑諭軍機大臣等總
理各國事務衙門奏法使臣來華請派員會談通商章程 摺已另有諭旨派李鴻章為全權大臣矣
此次中法議立滇粵陸路通商章程事係創辦該大臣務當悉心籌畫詳細商議以期周妥妥當免致將
來窒礙○諭本年廣西被水成災當經欽奉 慈禧端佑康頤昭豫莊誠壽恭欽獻崇熙皇太后諭旨撥給賑銀三萬
兩嗣因直隸天津河南兩屬及順天所屬之文安等縣同遭災歉降旨撥出江蘇漕糧十萬石俾作賑撫
之用前據國子監祭酒王先謙奏湖南被災甚重當諭下第寶奏查核撥奏長沙城及湘鄉被水業經
該撫撥同官勸捐籌款分別賑恤現已各安生理不致流離失所其鎮寧陽陽淑浦辰等處被災亦
經妥為賑濟深慰廑系已諭令下寶第實心經理以惠災黎茲復據陳士杰奏稱伏洪盛漲山東盛城章

邱等處災區甚廣查明被災人口有三十餘萬之多實深憫惻欽奉 慈禧端佑康頤昭豫莊誠皇
太后諭旨此次災民除由陳士杰籌款撫恤外將本年北海應修工程暫行停止由此次項工銀內撥
給山東銀五萬兩俾資接濟欽此陳士杰當即體 聖慈軫念災黎至意督飭地方官核實散放俾小民
恩澤均沾毋任官吏稍有弊混○頒給山東東寧縣 城隍廟匾額○德馨奏於光緒十一年五月初
十日承准軍機大臣字寄光緒十一年四月二十四日奉 上諭有人奏江西丁漕積欠甚多等語丁漕
係維正之供關該省除災緩不計外歷共短徵銀五百餘萬兩何竟積欠如此之多其弊安在該處破
除情面認真稽查據實具奏不准稍有含混等因欽此仰見 朝廷慎重催科力杜積弊之至意丁於上
年十二月抵任稽核各屬完解丁漕徵數不如前地丁截至年底為止有完不及五分者漕糧九月開
徵甚至年內尚未破白者當以軍餉緊急需用浩繁即札司道嚴飭各屬實力催徵限於次年二月以前
完解六分以上餘限奏銷前完足如有不及前數者即行撤參倘能照額全完者即予獎勵以期懲勸
兼施挽回積習數月以來完數稍有起色欽奉前因伏查江西丁漕積欠數目自同治十一年起光緒九
年止通共丁漕兩項除災緩不計外實在未完民欠銀四百七十餘萬兩現在同治十一年起光緒五年
止未完民欠丁漕已奉 恩旨豁免所有光緒六年起至十年止丁漕兩項截至光緒十一年五月二十
東華續錄 光緒七十二

日止除災緩不計實在未完民欠地丁銀一百六十三萬九千四百三十二兩一錢一分四釐漕折銀
八十三萬九千五百三十三兩七錢六釐二共短徵銀二百四十七萬八千九百六十五兩八錢三分
其數短之由讓者有謂花戶之敷衍或云紳富之包抗但急公奉上小民具有天良踐土食毛紳士尤明
大義何至以應完正賦抗不輸將恐尚未洞見癥結之切論也江西省歷年積欠之多一在於地方元氣
之未復復查通省徵數之疲積欠之鉅南昌府屬以南昌新建贛縣等縣為最長州府屬以鄱陽餘
干德興等縣為最南康府屬以星子建昌都昌等縣為最撫州府屬以崇仁樂安等縣為最九江府屬以
德化湖口等縣為最臨江府屬以新喻峽江新淦等縣為最吉安府屬以安福永新吉水等縣為最
以上縣分蓋均連年迭次受傷之區閭閻困苦異常其田之處高阜者每苦乾旱田之在低窪者又病水
源即如本年四五月間霖雨連旬河湖並漲各縣田畝又多被淹經臣於月摺內先後奏報縱年年辦災
歲歲請賑無如地方遼闊試額繁多地方查勘災傷所辦緩徵遞統各縣拿算約計不過一二分及三
四分為止故除災緩外積其歷年欠數尚復盈千累萬陳陳相因是其積欠之多半由水旱旱仍地方
做所致也一在於州縣辦書之不講求查江西州縣其徵多報少及以完作欠者尚無此種情弊惟身在
催科必須講求簿據深悉文牘的戶然後摘欠此追辦理始有把握江西自辦事務以後循例事件未能

實力舉行如推收實徵等項冊籍未認真查造冊吏得因緣為奸上下其手於是實田者不知過糧置產者並不立戶欺隱詭寄穿漏甲無從究詰每有田在此而人在彼者亦有田已賣而糧不除者戶書圖差無從催追暗虧 國課每年不少戶糧之不明徵收何由得手乎訪聞州縣下鄉催徵往往不知糧戶所在且不識何者為己完何者為未完惟每至一村延出地方紳士數人請其向有糧之家勸諭完納令各花戶具立限狀或報三四五六分不等求其指數完清十不獲一該紳士以幫同催徵非其分內應辦之事公正者噴有煩言狡黠者轉圖包庇地方官果平日留心簿籍各都各圖清查糧戶完欠分明則接納可稽書差無從舞弊糧戶無慮隱瞞催追自不費力何至積欠累疊糧納無從此弊在戶糧之失於清查也一在於義圖之未盡立查江西從前納丁漕民開向有義圖之法按鄉按圖各自設立首事皆地方公正紳耆公舉輪充且有總催派從戶頭各縣名目不同完納期限不一嚴立條規互相勸勉屆期掃數完清鮮有違誤兵燹以後惟靖安高安新昌臨川宜春萬載玉山廣豐瑞昌安遠寧都定南等屬縣均有義圖是以丁漕每年或全數報完或及九分以上皆由義圖尚存之故此外各縣義圖十驟八九至近年收數遞形減色積欠日多上年前撫臣所以有飭屬舉辦義圖期收成效藉杜丁漕積弊之請也一在於漕糧之無三限同治四年奏明釐定漕糧改折章程分限加價自九月或十月間徵起第一

東華續錄 光緒七十二

五

月為初限第二月為二限過此為三限凡過限完糧者一限每石加價銀一兩促使早完民尚無論貧富一經收獲莫不及時轉價先其所急竟免加價之多而官追呼之擾爾時漕糧九月間完解業已過半再於冬臘月催下忙地丁民力自紓同治七年部議改為三三兩限每石各加銀三錢已不及前時踴躍同治十三年又改為仿照江蘇辦法年外完漕每石加價銀五百文從此州縣催徵毫無把握蓋民間以九月完漕與十一月無異徘徊觀望相率因循始則收發待價繼則變價圖利兼以要項取給別項挪移未納漕糧消耗始盡下忙地丁更屬無籌處嚴追有法無濟一至於外欠年之忙徵期又屆新舊並納慶戶且形力絀下戶更屬何能傾欠愈多完漕無戶專待豁免以清積逋漕糧三限其弊不僅在漕而地丁亦因而短收光緒九年江西查明丁漕積弊情形請復漕糧三限曾經前撫臣奏陳旋准部覆令仍守年外加價舊章免章致未規復舊制現在京協各餉及籌辦海防後事宜用款浩繁似此丁漕欠數日多恐何籌解惟有認真整頓飭屬培督民氣整飭簿籍與立義圖規復三限以期徵收日有起色藉以挽回虧弊據布政使劉瑞芬等摺據道陳志曾詳請奏前來臣查徵收丁漕自以培養民生為重江西水旱頗仍民情困苦雖歷年查辦緩徵而欠仍未復其多臣現惟督率司道慎選廉能牧令實心實力撫恤字於催科務令將維正之供年清年款踴躍輸納以裕 需項而挽積疲至江西近時州

縣尚無徵多報少及以完欠情弊惟身任催科整頓簿籍是其專責乃於推收實徵等冊多未請求每年丁漕冊被糧戶欺隱不少已嚴飭各州縣將民間實田畝務令業戶推收過期清結申報的實戶名造冊存查不准再有脫漏隱匿一面按年查造徵糧冊按都按圖按甲將完糧銀米細數及糧戶的名查清填註以杜飛鴻詭寄庶簿籍有據實久詳明欠比追有條不紊事不煩而民不擾於徵收可期起色至設立義圖原係小民急公奉上之意洵為法良意美倘能勸諭與復足補有司催科之不及仍飭各屬察看地方情形因地制宜察復辦理期收實效至漕糧三限立法之初不過促令起完之意本無利其加價之私現在江西漕糧完納過遲積欠日甚臣悉心酌核似宜按照江蘇年外加價章程略為變通改為年內按限加徵以期完納迅速凡民間完納漕糧自開徵之日起初限一月內不加第二月為一限每石加價銀三百文過此以後均為三限每石加銀五百文核與現辦加價數目並無出入惟江西省外加價開辦有年今仍請改復年內三限舊制不敢謂徵數必能暢旺第與將來規復本色冬兌開之義較為符合其徵收米數各州縣於開漕後按旬摺報務須界限分明其加價錢文毋庸再歸州縣辦公統令隨解道庫存儲冊報查江西民田大半以墾工為保障每年修無費此項錢文擬專為提充墾地公用以惠糧戶之願似於 國賦民生均有裨益得 旨江西丁漕積弊已極據奏清查糧戶勸復義圖變通

東華續錄 光緒七十二

六

三限各節所籌辦法尚屬切實著即督飭所屬認真整頓實力奉行其辦理得宜徵收不力各州縣並著該撫隨時察查據實舉劾分別懲勸勿得徒託空言一奏舉實錄著照所擬辦理○戊寅諭前因朝鮮兵變幾危宗社李鴻章應於亂軍案餉不能禁止事後復置不問以致輿論紛紛為禍首朝廷軫念藩服命將出師殲厥渠魁驅除叛黨當時察該處情勢若李鴻章離本國則亂萌尚未有支持命安置近畿優其原職並准該國王歲時派員問省俾以慰其思慕之情所以防變也而全私恩者無微不至李鴻章到保定後該國王曾兩次咨請禮部代奏懇恩放還彼時因該國大難甫平人心未靖且李鴻章曾經罪降有宣示毋許擅離迄今時閱三年李鴻章又以年老多疾滙陳恩艾私衷具詞甲懇特著李鴻章傳至天津驗視屬實茲復據禮部奏該國王遣使臣閔種默等恭齋表文籲求恩釋情詞迫切至於再三朝廷孝治為先於藩屬深矜恤念省愆之日久惻遺養之情殷宜沛殊施俾得釋歸李鴻章應准其開釋即著李鴻章派委員護送回國並著禮部傳知該國王此係朕法外施仁在李鴻章固應承載洪慈俱持晚節該國王亦當痛懲前車之失去讓遠後親仁善鄰刻刻以勵精圖治為心庶幾內睦外侮不作以無負朝廷優庇庇全有加無已之至意實於該國王有厚望焉○庚辰諭御史文海奏婦女聽書宴會有傷風化請有飭禁一摺據稱近來書館書廠飯館酒肆皆有婦女聽書宴會任意遊玩等語婦女入